

Lan-eskaintzen erregistroa 2020ko azaroan


ERREGISTRATUTAKO LAN-ESKAITZA KOPURUA

2020ko azaroan Euskal Autonomia Erkidegoko enplegu-bulegoetan erregistratutako lan-eskaintzen kopurua 1.007 izan da, urrian baino 40 gutxiago eta joan den urteko azaroan baino 47 gutxiago. Egunean batz bestez 48 eskaintza erregistratu dira, aurreko hilean baino eskaintza 1 gutxiago egunean. Hilabete honetako datuak ezin dira ulertu Covid-19ak sortutako pandemia kontuan izan gabe.

• LURRALDE HISTORIKOAK

Kudeaketako Administrazio Unitatearen (KAU) lurralde historikoari erreparatuz, 2020ko azaroan 160 lan-eskaintza erregistratu dira Araban, 291 Gipuzkoan eta 556 Bizkaian. Lan-eskaintzen % 55,2 Bizkaiko KAUetan erregistratu dira, % 28,9 Gipuzkoan eta % 15,9 Araban.

Eskaintzaren Lurralde Historikoa



Aurreko hilabetearekin alderatuz, Araban % 33,3 hazi dira eskaintzak (40 eskaintza gehiago), Gipuzkoan eta Bizkaian, aldiz, murriztu egin dira eskaintzak; % 12,6 Gipuzkoan (42 eskaintza gutxiago) eta % 6,4 Bizkaian (38 eskaintza gutxiago).

Aurreko urteko hilabete berberarekin alderatuz, Araban 12 eskaintza gutxiago erregistratu dira, % 7,0ko murrizketa; Gipuzkoan 88 eskaintza gutxiago erregistratzen dira, % 23,2ko murrizketa, eta azkenik, Bizkaian 53 eskaintza gehiago izan dira, % 10,5eko hazkundera.

• LAN-ESKAITZAKO LANBIDEA

Bost lanbide-profilek biltzen dituzte EAEn erregistratutako lan-eskaintza gehienak. 4 eskaintzeko 1, zientzia teknikarien lanbide-profilerako erregistratu dira (263 eskaintza); eta, ia 5 eskaintzeko 1, laguntza teknikarietan (177 eskaintza). Kualifikatu gabekoen, industria profilen eta administrarien lan eskaintzak, ere, pisu nabarmena dute; 161, 146 eta 100 eskaintza erregistratu dira, hurrenez-hurren. Lan-eskaintza gutxien erregistratu diren profilak zuzendarienak eta lehen sektorekoenak izan dira, 4 eta 25 eskaintza, hurrenez-hurren.

Aurreko hilabeteko datuekin alderatuz, balore absolutuetan, gehien hazi direnak kualifikatu gabekoenak izan dira, 37 eskaintza gehiago (% 29,8ko hazkundera); balore erlatiboetan, aldiz, lehen sektorekoena izan da, % 3,6ko igoera (6 eskaintza gehiago). Beste muturrean, aldiz, industria profileko eskaintzak, balore absolutuetan gehien murriztu direnak izan baitira (59 eskaintza gutxiago, % 28,8ko murrizketa), eta zuzendarien profileko eskaintzak, balore erlatiboetan gehien murriztu direnak (% 42,9ko murrizketa, 3 eskaintza gutxiago), aurkitzen dira.

Urte arteko saldoari erreparatuz, bai balore absolutuetan, bai balore erlatiboetan, zerbitzuen profileko eskaintzak izan dira gehien murriztu direnak (125 eskaintza gutxiago, % 58,7ko murrizketa). Aldiz, zientzia teknikarien eskaintza izan dira gehien hazi direnak, bai balore absolutuetan, bai balore erlatiboetan (88 eskaintza gehiago, % 50,3ko hazkundera).

Lan-eskaintzen erregistroa 2020ko azaroan

• K O N T R A T U M O T A


Erregistratutako lan-eskaintzen % 7,4k kontratu mugagabea eskaini dute; % 92,1ek, aldi baterakoa, eta, gainontzeko % 0,5ek, merkataritzakoa. Balio absolutuetan, kontratu mugagabeen eskaintzak 74 izan dira, 21 gutxiago aurreko hilabetearekin alderatuz, %22,1eko murrizketa. Aldi baterako kontratuak eskaini dituzten 20 eskaintza gutxiago erregistratu dira: 928 eskaintza izan dira guztira. Kopuru erlatiboetan murrizketa % 2,1ekoa izan da. Azkenik, merkataritzako kontratuen eskaintzak 2020ko azaroan 5 izan dira, aurreko hilean baino 1 gutxiago.



Urte arteko saldoari dagokionez, kontratu mugagabeen eskaintzak 44 gutxiago izan dira (% 37,3ko murrizketa), aldi baterako kontratuen eskaintzak % 0,6 murriztu dira; 6 eskaintza gutxiago, eta, merkataritzako kontratuak, aldiz, 3 gehiago erregistratu dira.

• E S K A T U T A K O E S P E R I E N T Z I A - D E N B O R A

2020ko azaroan erregistratutako lan-eskaintzen 3 laurdenek (759 eskaintza, %75,4) 0tik 6 hilabetera arteko esperientzia minimoa eskatzen dute. Eskaintzen % 13,1ek (132 eskaintza) esperientzia-denbora luzeagoa eskatzen du, 6 hiletik 12ra artekoa. Portzentaia txikiagoak dituzte esperientzia-denbora luzeagoak eskatzen dituzten eskaintzek; 3 urtetik 5 urtera eskatzen dutenek % 2,1ko pisua dute (21 eskaintza). Hil honetan 5 urtetik gorako esperientzia eskatzen duten eskaintza bakar bat bera ere ez da erregistratu.



Hilabete arteko eboluzioari dagokionez, 0 eta 6 hilabete arteko esperientzia eskatzen dutenak izan dira gehien murriztu direnak balore absolutuetan (31 eskaintza gutxiago, % 3,9ko murrizketa); aldiz, balore erlatiboetan, 5 urtetik gorako esperientzia denbora eskatzen dutenak dira gehien murriztu direnak (% 100,0eko murrizketa, 4 eskaintza gutxiago). Aldiz, 6 eta 12 hilabete arteko esperientzia eskatzen dutenak izan dira hazi diren bakarrak (22 eskaintza gehiago, %20,0ko hazkundea).

Urte arteko eboluzioari dagokionez, bilakaera ondorengoa izan da: eskaintza guztiak murriztu dira 1 eta 3 urte arteko esperientzia denbora eskatzen dutena izan ezik (hauek 5 gehiago erregistratu dira). Gehien murriztu diren eskaintzak 0 eta 6 hilabete arteko esperientzia eskatzen dutenak izan dira balore absolutuetan (38 eskaintza gutxiago, % 4,8ko murrizketa); balore erlatiboetan, aldiz, 5 urtetik gorako esperientzia eskatzen dutenak izan dira (% 100,0eko murrizketa, 4 eskaintza gutxiago).


Erregistratutako eskaintzek, batez beste, 7 hileko esperientzia eskatzen dute, aurreko hilean baino 2 hilabete gutxiago.

Lan-eskaintzen erregistroa 2020ko azaroan

• LANALDI MOTA

Analisiarekin jarraitu baino lehen, esan beharra dago ez dutela erregistratutako eskaintza guztiek zehazten zein izango den lanaldi mota: soilik eskaintzen % 27,3k zehazten du datu hori (1.007 eskaintzetatik 275). 275 eskaintza horietatik, 249 lanaldi osoa eskaintzen dutenak izan dira, eta, gaitzeko 26k, lanaldi partziala eskaini dute.

Eboluzioari dagokionez, lanaldi osoko eskaintzak 113 gehiago izan dira urriarekin alderatuz, hau da, % 83,1 hazi dira. Lanaldi partzialeko eskaintzak 21 gutxiago izan dira; hazkunde erlatiboa % 44,7koa izan da.



Aurreko urteko hilabete berberarekin alderatuz, eboluzioa hurrengoa da: lanaldi osoko eskaintzak 99 gehiago izan dira (% 66,0ko murrizketa), eta lanaldi partzialeko 18 eskaintza gehiago erregistratu dira (% 40,9ko murrizketa).

• ALDI BATERAKO LANERAKO ENPRESAK (ABLE)


Hil honetan 8 lan eskaintza kudeatu dira ABLEn bitartez, aurreko hilean baino eskaintza bat gehiago, eta 2019ko azaroan bezain beste.

• ESKATUTAKO PRESTAKUNTZA MAILA

Adierazle honi buruzko datuak ere ez dira beti zehazten lan-eskaintzak erregistratzeko orduan. Eskaintzen % 74,3k ez du zehazten zein den eskatutako prestakuntza maila minimoa: 1.007 eskaintzetatik 259k soilik zehaztu dute.

259 eskaintza horietatik, 98k LHko prestakuntza maila eskatu dute (% 37,8); eta beste 92k unibertsitateko ikasketak. Ondoren, oinarritzko ikasketak eskatzen dituztenak daude 47 eskaintzekin. Azkenik, batxilergoko ikasketak eskatzen dutenak daude (22 eskaintza).

Eskatutako gutxieneko prestakuntza maila



Hilabete arteko erlazioari erreparatuz, gehien hazi diren eskaintzak, bai balore absolutuetan, bai balore erlatiboetan, batxilergoko prestakuntza maila eskatzen dutenak izan dira (11 eskaintza gehiago, % 100,0ko murrizketa). Aldiz, LHko prestakuntza maila eskatzen dutenak izan dira murriztu diren bakarrak (% 7,6ko murrizketa, 8 eskaintza gutxiago).

2019ko azaroarekin alderatuz, eskaintzak mota guztiak hazi dira. Gehien hazi direnak, bai balore absolutuetan, bai balore erlatiboetan, unibertsitateko ikasketak eskatzen dituztenak izan dira (39 eskaintza gehiago, % 73,6ko hazkundera).

• ESKAINTZAREN JARDUERA

EAEko enplegu-bulegoetan erregistratutako lan-eskaintzen kopuruari dagokionez, gehien nabarmentzen dena Administrazio Publiko izan da; honen pisua eskaintza guztien % 40,4koa izan da (407 eskaintza). Nabarmentzeko beste jarduera batzuk administrazioakoak, manufaktura-industriak jarduera profesional, zientifiko eta teknikoak izan dira, eskaintzen % 7,5, % 7,5 eta % 7,4ko pisuarekin (75, 75 eta 74 lan-eskaintza, hurrenez hurren).

Aurreko hilari erreparaturik gero, gehien hazi diren eskaintzak, balore absolutuetan, Administrazio Publikokoak izan dira (115 eskaintza gehiago, % 39,4ko hazkundera); aldiz, balore erlatiboetan, ur-horniketakoak izan dira (% 66,7ko hazkundera, 4 eskaintza gehiago). Aldiz, murrizketa handiena jasan dutenak, balore absolutuetan, beste zerbitzuak izan dira (110 eskaintza gutxiago, % 78,0ko hazkundera); balore erlatiboetan, energia horniketakoak izan dira gehien murriztu direnak (% 100,0eko murrizketa, eskaintza bat gutxiago).

Urte arteko saldoari erreparaturik, bilakaera okerreana pairatu duten eskaintzak, balore absolutuetan, merkataritzakoak izan dira (82 eskaintza gutxiago, % 58,6ko murrizketa); balore erlatiboetan, aldiz, ostalaritzakoak izan dira (% 84,7ko murrizketa, 61 eskaintza gutxiago). Gehien hazi diren eskaintzak, bai balore absolutuetan, bai erlatiboetan, Administrazio Publikokoak izan dira, 245 eskaintza gehiago erregistratu dira, % 151,2ko hazkundera).

Eskaintzaren jarduera

